

ÜXASI

Quesusi Hetüa Mieme

Cacaüyari cuie niunetüani

Sutüapai Cacaüyari muyuavi niutavevieni, cuieta tiutavevi. Puyüvicai xeiçüa, havaicü tau, havaicü mesa, havaicü xuravesixi.

Hicü Cacaüyari müpäü niutayüni, Hecüariya que'uneni. Hecüariya 'unecu, 'Aixüa pü'ane, niutayüni. Hecüariya tucari pütiteva, niutayüni. Yüriya tucari pütiteva, niutayüni. 'Ana tucari mexüacame canayani ximeri taicai.

Hutarieca tucarisie Cacaüyari nipata ha, haivitüri taheima muxuavenicü, haivitüritüa haramara mücamacacü.

Hairieca tucarisie Cacaüyari cuie vaquime nayeitüani, haramara cuie tesita 'ihayevaca. Tupiriyate, cüyexi tiniutivevieni. Tupiriyate, cüyexi, xexuitü yu'imüari yu'icuxi hexeyatü nayani.

Naurieca tucarisie Cacaüyari tau niutavevienita, tucarisie mieme. Mesa tiutavevita, xuravesixi tinivarutivevienita tucarisie miemete.

'Auxüvirieca tucarisie Cacaüyari quesüte nivarutivevienita, viquixita nivarutivevieni. Müpäü tinivarutahüave Cacaüyari, Xequeneyumüiriyani.

'Ataxevirieca tucarisie Cacaüyari yunaime tatevama püvarutivevi, vacaisixi, süicüri, puxuri, yeutari meta maxasi, tüvexi, cuterixi, yunaime. 'Arique tevi niutavevieni. Cuiecü nitavevieni 'uquitüme. 'Iyari nipitüani, müta'ienicü. 'Uqui 'Arani pütitevacai. Hicü Cacaüyari haraveri putavevi, 'uqui niuhüritüani.

'Uqui yutevama yunaime nivarutiterüva yeutari meta. Müpäü painecai Cacaüyari, 'Icü 'uqui pütivata'aitüani yunaime viquixi, vacaisixi, cuterixi, yunaime.

Hicü müpäü niutayüni Cacaüyari, 'Aixüa püca'ane 'uqui yuxaüta mucanicü. Peiyehüva 'iteütame. 'Uqui heucutüaca, 'aquieya nivacumura. 'Arani 'aquieyacü 'uca niutavevieni. Hicü 'Arani nanutaniere, pixei 'uca Cacaüyari mitaveviriecai. Puyutemaviecai, 'inaqui'erietü 'uca. 'Arani müpäü niutayüni, 'Uqui niyupatamücü, yuquemasi yuvarusi vahesüa niyeyeimücü, yü'üyasie tiniviyamücü. Memüyuhutacai xei vaiyari mecanacünicuni, meyxevitü. Hicü 'uqui 'uca mepümamavecai, mepücayuteteviyacai. 'Eva pütitevacai 'uca. 'Uqui 'uca Cacaüyaripäü me'ananetü meputiveviya. Müpäü Cacaüyari niutayüni, Xequeneyumüiriyani. Xepütevata'aitüani yunaime quesüte, viquixi, yutevama. Tupiriya nepüxemicua, 'imüariyari, cüyexi 'icuxiyari. Xetevama tupiriya nepüvamini.

'Atahutarieca tuclarisie Cacaüyari ni'uxipiecaitüni, minücü yu'uximayasica.

Matüaripai 'axa que memüte'uyuri

'Ana cuie 'aixüa pü'anecai. 'Arani 'Evamatüa haraverita mepütitecai. Haraveri visi pü'anecai. Müpäü niutayüni Cacaüyari, Xequetenecuaca naime 'icuxi 'icü haraverita mieme. Xeime cüye xEICÜA tevi xüca 'iticuani 'icuxiyari, mücü tevi püretimani tita 'aixüa müti'ane, tita 'axa müti'ane. Mücü cüye 'icuxiyari xepücacuaca. Xüca xe'iticuani, xepücuini.

Mericüsü cu cuini mieme pütimaivecai 'ana. Müpäü pütita'ivaviyaxü 'uca, Tixaü Cacaüyari müpäü pücahainecai xüari quename xeca'icua naime 'icuxi haraverita mieme. 'Uca müpäü niutayüni, Tepüyüvave temiticuani naime 'icuxi, mücü cüye xEICÜA haraveri hixüapa muve, mücü 'icuxiyari tepücayüvave temiticuani. Xüca te'iticuani, tepücuini. Cu müpäü niutayüni, Tixaü, xepüca-cuini. Quepaucua xemiticuani mücü 'icuxi, cuini mieme xetema-

vavetü xepacüne Cacaüyari paü, xepütemaica tita 'aixüa müti'ane tita 'axa müti'ane. Hicü 'uca mücü 'icuaxi visi 'aneme niuxeiya, pitacuai, 'ariquequeta yucüna tiumi. Mücüta pitacuai. 'Arique müpaü mepüteheta memümamavecaicü. Hicü pini xavariyari me'uticürüxuca pesera meniyutivevirieni memüyuteteviyacaicü.

Hicü taicai Cacaüyari ninuani. 'Uqui yu'üyamatüa meniuyuti'avieta cüye varita. Cacaüyari nahivacaitüni müpaü 'utaitü, Haque xepe'uva. 'Uqui müpaü niutayüni, Nepümasi'u'eni 'uva pe'uyeicame, nemasi'utimaca. Nepüneti'avietaxü nemümavecaicü. Cacaüyari müpaü niutayüni, Que mü'ane müpaü matiutahüavixü quename pemavecai. Mücü 'icuaxi nemüxemaive'eritüacai xecate'uticuai. 'Uqui müpaü niutayüni, Mücü 'uca pemünesi'uvitütüa, mücü pünesi'umi 'icuaxi, nepitacuai. Cacaüyari müpaü niutayüni, 'Uca 'acu, que petiuyuri. 'Uca müpaü niutayüni, Cu pünetiu'irüviyaxü, 'ayumieme nepitacuai 'icuaxi.

Cacaüyari müpaü niutayüni,
Cu 'acu, 'axa pepütiuyuri.
'Ayumieme 'ahucama pepücuyeicani.
'Ecü cu 'ucamatüa xepüyuneüquixivima.
'Anivema, 'uca nivemama mepüyucuini.
'Uca nu'aya xevitü pümaticuinitüani 'amu'usie.
'Ecüta pepüticuinitüani quepusayasie.

Tavari Cacaüyari müpaü niutayüni,
'Uca 'acu, quepauca pemütiniveni, vaüca pepüticuine.
Peru pepinaqui'erieca 'acüna.
Mücü 'a'uquiyari payani.

Tavari Cacaüyari müpaü niutayüni,
'Uqui 'acu, pepitacuai 'icuaxi nemüxemaive'eritüacai.
'Ayumieme tucariçü vaüca pepüti'uximayaca,
Pecuaxiyatü 'a'licuai pepexeyani.
Xuya putineicani cuiepa.
'Imatürieça cuie pecanayeimücü, cuieçü pemutaveviyacı.

'Ariquemüca Cacaüyari nivaranuyeveiya haraverita.

ÜXASI

Qesusi Hetüa Mieme

Historias del Antiguo Testamento

1

en Huichol y en Español

publicado por

Tipográfica Indígena

Cuernavaca, Morelos

1963

1C219.5

3-044